



Juebia grassa



Idiom: Gherdëina
 Meludia: Leo Runggaldier
 Paroles: Leo Runggaldier
 Liber: Ulon s'la cianté

Ncuei juebia grassa, l plu bel di!
 A rubé l'ola ulons'a bën jì.
 Y anda Beta à drë metù sëura,
 ie jita ju n stala a mëujer la cëura.

L mëur sun tèt s'à sgraflà su,
 de n auter viers ne n'al pudù,
 se lascia cun na corda sën ju per ciamin,
 che brea y ciamëija vën da fulim.

Ju dla segosta se tolel sën l'ola,
 malan de cuiertl sun fonz ti berdola.
 L ne sà co se ndì, l ie dut mo tan fiers,
 la va de pië via y mucé de vel' viers.

Giaurian uni usc achiet y bel plan
 se ncramel da port' ora, la ola tla man.
 Sën bëisel da mat y dut a piesc jonc,
 se streva la panicia ch' la spriza plu lonc.

Cun na prëscha po' ruvel a cësa spavënt,
 se ncrama te n piz, bën dut da cuntënt,
 stravan sëurora mé dlonch la panicia,
 che fonz y parëi da ont propi stiza.

N tòch de cèrn drèt bèn sfumià,
japé dl'ola ti ie mo restà.
Se l rafa bèn ju cun na drèta gran sèur,
i dèic se lechel trèi iedesc ntèur.

Cun l'ola se mpènsel, cie uei pa fé,
la ue inò zeruch a Beta purté.
Cialé de ruvé bel achiet te majon,
scuender la scuendes, chël es rejon.

L mœur se tol inò l'ola y va,
te n bot iel bele pra cèsa ruvà.
Su sun funestra se trapinel bel plan,
l'ola ti sbriscia sèn ora dla man.

N slindernamënt y na fuera da mat,
dutes fruzedes scudeles dal lat!
L'ola berdola cun n drë tumblamënt
ju te majon de Beta termënt.

Zera mo pea de tei banc y tei stuei,
n'ola bel' plëina de papaciuei.
Trëma mé l fonz y trëma nce l mœur:
n aiut bèn prëiel sèn San Stenëur.

Beta te stala mo for che mëuj,
lascia mé y bëisa sèn dut n crëusc.
Da suaut tres ju vën propi n drë ruf,
gialines per aria ti sauta tl ciuf.

Dal gran spavënt mé mudela culëur,
cun l banch da mëujer fir'la ntèur.
Ora da usc ora y su al infum,
te majon sèn sautela fajan n drë fum.

Cun braces spanei y uedli drusei,
perduda la trëcia, ulà ie pa i ciavëi?
La broces di cosps che spuda mé fuech,
che l rof ne se mpëie, chël mancel pa puech.

N tel gran spavënt! Cie iel pa tlo sta'?
Dut ie fruzà, dut ie stravà!
Taieresc y scudeles ie jites n broda

via per fonz: ce fetra moda!

Śën vëigh'la l mœur mucian a sparón,
dala funestra de suaut de si majon.
Te chëla mé tolela i cospes a man,
ados ti tirela do besan.

L mœur sëuraju se n va a berdoles,
do ti fir scudeles y oles.
Dai svëies y bredli cherdan n aiut
l'aria y la cësa rembomba dut.

Juebia grassa

Paroles y meludia:
Leo Runggaldier da Furdenan
(1888 - 1961)

1.Ncui jue - bia gras - sa, I plu bel di! A ru - bé
2.L mœur sun têt s'à sgra - flà su, de n au - ter
3.Ju de se - gusta se to - lel sèn l'ola, ma - lan de cu -

6
l'o - la u - lon - s'a bën jì. Y an - da Be - ta à drë me - tù
viers ne n'al _____ pu dù, se lascia cun na corda sèn ju per cia -
iertl sun fonz ti ber - dola. L ne sà co se ndì, l ie dut mo tan

12
sëu - ra, ie ji - ta ju n sta - la a mœu - jer la cœu - ra.
min, _____ che brea y cia - mœi - ja _____ vën da fu - lim. _____
fiers, _____ la va de pië via y mu - cé de vel' viers. _____